



ZESTOAKO UDALA

EUSKARA IKASTEKO DIRULAGUNTZEN ARAUDIA

1. atala: XEDAPEN OROKORRAK

Araudi honen helburua euskara ikasteko eta euskarazko ikastaroak egiteko diru-laguntzak arautzea da.

2. atala: ONURADUN IZATEKO BALDINTZAK

- a) Izena emateko orduan, Zestoako erroldan gutxienez 6 hilabetez sartuta egotea eta, ikastaroak dirauen bitartean Zestoako erroldan jarraitzea.
- b) Hamasei urte (16 urte) beteak behar dira, gutxienez.
- c) Zestoako Udalean zorrik ez izatea.
- d) Ondoko ikastetxeren batean matrikulatuta izatea:
 - ❖ Zestoako euskaltegian.
 - ❖ Zestoako euskaltegian ikasteko aukerarik ez balego, beste euskaltegi homologaturen batean.
 - ❖ Barnetegi batean.
 - ❖ Udako Euskal Unibertsitatean.
- e) Diruz lagunduko diren ikastaro motak:
 - Aurrez aurreko ikastaroak
 - Autoikaskuntza ikastaroak
 - Online ikastaroak
- f) Ikasturtea amaitzea.
- g) Ikastaroan gutxienez %80ko asistentzia izatea¹.
- h) Xede bera duen beste diru-laguntzarik jaso ez izana.

Diru-laguntza jaso ahal izateko aurreko baldintza guztiak bete beharko dira.

3. atala: DIRULAGUNTZEN ZENBATEKOAK

3.1- Zestoan erroldatutakoak

a) Zestoako Euskaltegia:

Langileak: matrikularen %100

Langabetuak eta ikasleak: matrikularen %100

Matrikula egin ahal izateko, Udalak zehaztutako fidantza ordaindu beharko dute ikasleek. Ikastaroa bukatutakoan, ordaindutakoa osorik bueltatuko zaie %80ko asistentzia izan eta dagokion agiria aurkezten dutenei.

%80ko asistentzia bete ez dutenek fidantza berreskuratzeko aukera galtzeaz gain, galduko dute hurrengo ikasturterako diru-laguntza jasotzeko eskubidea eta matrikula osoa ordaindu beharko dute.

b) Beste euskaltegi homologatu batean aurrez aurreko ikastaroak:

Langileak: matrikularen %50

Langabetuak eta ikasleak: matrikularen %80

Ikasleek jasoko duten diru-laguntzak ezingo du gainditu, Zestoako Euskaltegiko prezioen %50 eta %80, hurrenez hurren.

c) Beste euskaltegi homologatu batean autoikaskuntza eta online ikastaroak:

Langileak: matrikularen %50

Langabetuak eta ikasleak: matrikularen %80

Ikasleek jasoko duten diru-laguntzak ezingo du gainditu, Zestoako Euskaltegiko prezioen %50 eta %80, hurrenez hurren.

d) Barnetegia:

Langileak: matrikularen %25

Langabetuak eta ikasleak: matrikularen %50

e) UEU:

Langileak: matrikularen %0

Langabetuak eta ikasleak: matrikularen %50

1 Hutsegitea justifikatuz hartuko da honako kasu hauetan:

- Gaixotasunak eragina bada: norberaren gaixotasuna, seme-alabena, gurasoena edota bikotekidearena (medikuaren agiria ekarri beharko da)
- Lanak eragina bada (lantokiko arduradunaren agiria ekarri beharko du ikasleak)



ZESTOAKO UDALA

Ikasketak sortzen dituen bestelako gastuak –joan-etorriak, materiala eta abar- ez dira inolako kasuan kontuan hartuko.

Barnetegietan eta UEUn egindako ikastaroen diru-laguntzetarako gehienezko zenbatekoa zehaztuko du Udalak urteko aurrekontuetan.

HABEk, lehen eta bigarren mailak egiaztatzeko, ematen dituen diru laguntzekin bateragarria izango da, baldin eta gain-finantzaketarik ez badago.

Urte bakoitzeko, gehienez, 600 orduri dagokion diru laguntza emango zaio ikasleari.

3.2- Zestoan erroldatuta ez daudenenak:

Zestoan erroldatuta ez dauden pertsonak ez dute diru-laguntza jasotzeko eskubiderik izango. Halere, matrikulatu ahal izango dira Zestoako Euskaltegian, eta euskaltegiaren prezio ofizialaren eta ordaintzeko eren arabera ordaindu beharko dute ikastaroa.

4. atala: ESKAERAK

4.1- DOKUMENTAZIOA.

Diru-laguntza eskatzeko prozedura ondoko hau izango da:

- a. Eskaera matrikularekin batera egingo da. Aurkeztu beharreko dokumentazioa:
 - i. Eskaera orria.
 - ii. NAaren fotokopia
 - iii. Matrikularen ordain-agiria
 - iv. Langabetuen kasuan, langabezia-txartela
 - v. Ikasleen kasuan, ikasle-txartela edo baliokidea
- b. Ikastaroaren amaieran aurkeztu behar den dokumentazioa:
 - i. Izandako asistentzia jasotzen duen agiria.
 - ii. Langabetuen kasuan langabezia-txartela.

Zestoako euskaltegian ikasten dutenek euskaltegian bertan aurkeztu beharko dute dokumentazioa.

4.2- EPEAK.

- a. Diru-laguntza eskatzeko epea hamabost egunekoa izango da, matrikula epea ixten denetik kontatuta. Epe hori igarota ez da eskaerarik, ezta dokumenturik, onartuko.
- b. Ikastaroa amaitu eta 15 eguneko epean, ikastetxeko agiria aurkeztuko da. Hori egin ezean diru-laguntza bertan behera utziko da.

5. atala: ERABAKIAK HARTZEKO PROZEDURA

5.1- Eskaera aurkeztuta, Euskara Zerbitzuko teknikaria txostena gehituko dio eta Kultura Batzordearen esku jarriko da.

5.2- Kultura Batzordeak eskaera aztertuta eta, hala balegokio, erabaki-proposamena igorriko dio Udal Gobernu Batzordeari.

5.3- Udal Gobernu Batzordeak, Kultura Batzordearen proposamena ikusita, diru-laguntzaren emakidari buruzko erabakia hartuko du.

5.4- Eskatzaileak Gobernu Batzordearen erabakiaren kontra egoki iritzitako errekurtsioak aurkeztu ahal izango ditu legez erabakitako epe eta moduetan.

5.5- Diru-laguntza jasotzeko eskubidea, Gobernu Batzordeak ebatzi eta hurrengo egunetik aurrera izango da.

5.6- Eskatutako baldintzak beteko ez balira, edo behar bezala arrazoitutako beste edozein zioengatik, Udalak diru-laguntzaren emakida deusezta dezake.

6. atala: AZKEN XEDAPENA

Indarrik gabe gelditzen da 94ko uztailaren 5eko "Euskara ikasteko diru-laguntzen araudia".